

1917-1918

6 - 6 - 17. Me Vedig mé,

Un dra diskonfortus e zo arriù déh genemb. Job Lécuyer a Gerfourn, arriù a bermision er suhun baset, e zo chanjet arnehon. Kement a boén en des keméret é kuitat é dud, mar dé arriù ama get ur galonad en des ean taulet a blad. Deu pé tri dé é ma bet é hobér chonjeu du hemb débrein na kousket ha déh d'anderù é ma oeit doh er stag. Ur sudard en des ean kleuet hag en des ean digrouget. Groeit em es kentéh er has d'er hlandi. Ne ouian ket penaus é hei geton. [...] Chetu 2 ér vataillon e chanj arnehè elsé ha guélet e hran réral é arriù bamdé ag er gér hag e ia fal en treu getè. Nag un dristé !

Tennet ag ur lizher
skrivet get Loeiz Herrieu d'é vaouez.



Karr-arsailh Renault, get ur c'hanon 75

A-gaoz d'ar renad kozh ema rivinet ar vro ha naonegezh a zo. Tud Petrograd o doa en em dolpet er ruioù evit lâret eh oant fallgontant. Get tennoù fuzuilh eh oant bet degemeret. E-lec'h bara ema boletoù a oa roet dezhe get ministred an tsar. Neoazh ar soudarded n'en deus ket faotet dezhe ober netra enep d'ar bobl, ha distroet o deus enep d'ar gouarnamant. Àr un dro, int o deus kemeret an arsanaillhoù, ar fuzuilhennoù ha lod a organoù pouezus ar galloud.

Ret eo ma vo pilet ar gouarnamant kozh a-gaoz leuskel e lec'h get ur gouarnamant a-berzh ar bobl. Komiserion a zo anvet get ar sovied hag a vo o c'harg diazeziñ beli ar bobl e karterioù ar gêrbenn. Goulenn a raomp get ar boblañs en he fezh tuiñ get ar sovied, a-benn, ha sevel komiteoù er c'harterioù a gêr.

Sovied deputeed ar vichererion,
27 a viz C'hwevrer 1917

" Ar gouarnamant micherour ha peizant, daet diàr dispac'h ar 24-25 a viz Heneoal 1917 hag en em harp àr soviedoù deputeed ar vichererion hag ar soudarded hag ar beizanted, a bed rac'h ar pobloù a zo er brezel hag o gouarnamantoù da grog doc'htu da barlandal a-gaoz ober ur peoc'h demokratel ha just. "

26 a viz Heneoal (8 a viz Kalan-Gouiañv) 1917